



Inatsisartunut ilaasortaq

Jens Immanuelzen
Siumut

Umiarsualivimmiinnermi akitsuut/umiarsuarni takornarianik angallassissutini ilaasunut akitsuut pillugit § 37-imik akissuteqaat

Asasara Jens Immanuelzen.

Umiarsualivimmiinnermi akitsuutit/umiarsuarni takornarianik angallassissutini ilaasunut akitsuutit pillugit arlalinnik apeqquteqarsimavutit, taakkulu matumuuna akissuteqarfigis-savakka.

Umiarsualivimmiinnermi/umiarsuarni takornarianik angallassissutini ilaasunut akitsuutit akilersinniarneqartarput umiarsualivimmiinnermi akileraarut pillugu inatsit nr. 20, 30. oktober 1992-imeersoq kingusinnerusukkut allannguutitalik naapertorlugu.

2002-imi inatsit allanngortinneqarpoq inatsisikkut nr. 2, 21. maj 2002-imeersukkut tassani umiarsuarni takornarianik angallassissutini ilaasunut akitsuutaasoq allanngortinneqarluni oqimaassutsimik tunngaveqarluni akitsuumiit ilaasumut ataatsimut akitsuutinngortinneqarluni.

Inatsimmi paragraf 1 naapertorlugu tulluuttut akitsuummik akiliiffiusassapput:

"§ 1. Umiarsuit Kalaallit Nunaanni umiarsualivinnut nunalittut akitsuutiinik nunatta karsianut akiliisassapput.

Imm. 2. Umiarsuit takornarianik angallassissutit Kalaallit Nunaanni umiarsualivinnut nunalittut, umiarsualiviup avataani kisartut imaluunniit ilaasunik sinerissamut nunnigussisut imm. 1 naapertorlugu akitsuutinik akiliissanngillat. Tassunga taarsiullugu umiarsuup takornarianik angallassinermi ilaasuinut akitsuut tamarmiusoq ilaasumut ataatsimut 300 kr.-iusoq akilerneqartassaaq. Umiarsuup takornarianik angallassinissani Kalaallit Nunaanni umiarsualivimmiit aallarnerpagu, umiarsuup aallarnerani ilaasorineqartumut ataatsimut akitsuut tamarmiusoq 300 kr.-iusoq akilerneqartassaaq.

Imm. 3. Umiarsuup Kalaallit Nunaanni umiarsualivimmut, umiarsualiviup avataanut sinerissamiluunniit ilaasuminik nunnigussiffissamisut tikitassaanut siullermut apuunnissaa nal.ak. 24-nik sioqqullugu umiarsuup takornarianik angallassissutip naalagaata allattorsimaffik ilaasut qanoq amerlatiginerannik imaqartoq Akilerartarnermi Pisortaqarfirmut nassiuatissavaa. Takornarianik angallassineq Kalaallit Nunaanni umiarsualivimmiit aallarnerneqarpat umiarsuaq aallartinnagu allattorsimaffik nassiuunneqassaaq."

Umiarsuit ilaasunik angallassissutit umiarsuaatileqatigiiffinnit Namminersorlutik Oqartusanut sullissinissamik isumaqatigiissuteqartunit pigineqartut § 2 naapertorlugu akitsuuteqartitaanissamut ilaatinneqanngillat. 2006-imi allannguinnermi "angalanissami aaqjissuuteriikkani ilaasunik" taaneqartartut akitsuummik akiliuteqartartussaaitarnermut ilaatinneqalerput, tassani pineqarput ilaasut angalanernut Danmarkimiit, Savalimmiuniit nunanilluunniit allaniit aaqjissuunneqartunut billetsimik pisisimasut.

Ulloq 18. november 2013
Suliap normua
Upp. nr.

Postboks 1605
3900 Nuuk
Tlf. (+299) 34 50 00
Allak. (+299) 32 20 42
E-mail: allaffik@greenet.gl
www.nanoq.gl

Akitsuut kingusinnerusukkut 2006-imi 450 kroninut qaffanneqarpoq aammalu 2008-mi 525 kroninut qaffaqinneqarluni.

Taamaasilluni akitsuummik akiliisoqartassalluni naak umiarsuaq umiarsualivissingik-kaluartoq.

Akitsuut Akileraartarnermut Aqutsisoqarfimmit allaffissornikkut isumagineqarpoq tassumalu najukkani umiarsuarlivinnut oqartussaasut Royal Arctic Line A/S aamma KNI A/S suleqatigai, taakkunannga akitsuutinik takkuttunik akiliisitsiniartarnek nakkutilliinerlu isumagineqartarluni tamatuma kingornatigut Akileraartarnermut Aqutsisoqarfimmut akileneqartartunik.

Inussiarnersumik inuulluaqqusillunga

Vittus Qujaukitsaq